



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**VITA || D. MARIÆ VIR-||GINIS DEIQVE GE-||NITRICIS.||**

**Goppelsrieder, Andreas**

**Ingolstadii, 1592**

**VD16 G 2663**

Capvt Primvm. De Parentibvs D. Virginis.

**urn:nbn:de:hbz:466:1-45013**



D. MARIAE VIR-  
GINIS DEIQVE  
GENITRICIS

*vita.*

CAPVT PRIMVM.  
DE PARENTIBVS  
D. VIRGINIS.



IRGO MARIA è  
protoplastorum Adæ  
& Euæ carne simul  
& sanguine, vt reli-  
qui hominum, per  
maiorum suorum si-  
bi succedentium seriem, contra quam  
Philippus Paracelsus, in Medicina &  
Theologia hæreticus, insulsè sensit,  
propagata fuit.

Maiores deinde, à quibus propin-  
quius aliquanto principium, origi-  
nem.



VITA D. MARIAE VIRG. 2

nemque illa suam habuit, Hebraei fuerunt, adeoque Deipara virgo Hebraea fuit.

Genus item eiusdem ad tribum Iuda referri debet, non ad Leui, vt Faustus *b* Manichæorum princeps, egregio mendaciorum concinnatori, Seleuco consodali, vt videtur, obsecutus, & Iulianus Apostata, *c* Cyrillo teste, voluerunt. Quanquam illa quoque in tribu Leui, per Elizabetham Aaronis filiam & Zachariae Sacerdotis uxorem, Ioannis Baptistæ matrem, cognatam seu consanguineam suam, censeri numerariq; potuit.

Ad inclytam deinde Dauidis domum ac stirpem, eius prosapia, Scriptura *d* & *e* Patribus suffragantibus, reuocatur, & in atavis suis 14. Reges atque Duces, & Heroas Israelis gloriose numerat reginaq; adeo existit. *e* Hilar. in 1. cap. Matth. Ambros. in 1. cap. aduersus Iud. August. lib. 23. contra Faust. cap. 9 Bern. hom. 2. de B. Virg.

Progenitores tandem proximos, licet perperam Pomeranus *f* ambigat, inepte Centuriatores *g* quærant, & perfide Lutherus *h* neget, regali principa-

*b* Apu I August. contra Faustum, lib. 23. c. 9.

*c* Cyrill. Alex. contra Iulian. lib. 1.

Vide Damasc. lib. 4. cap. 15.

*d* Matthæ 1. & 22. Marc. 12. Lucæ 1. Psal. 86. 131. 109.

*e* 2. Tim. 2. Luc. Tertull. aduersus Iud. August. lib. 23. contra Faust. cap. 9 Bern.

*f* In expos. 44. c. Hier. g Cent. 1. cap. 10.

*h* In Postilla circa explic.

B

cap. circa explic.



## § VITA D. MARIÆ

Euan. in  
festo Annun-  
ciat. Mariæ,

cipaliq; ex nobilitate conspicuos, eod-  
demq; clarissimos Ioachimum & An-  
nam habuit.

Ioachimus Matethæ filius & Zoro-  
babelis nepos; Anna Isachar, vel secun-  
dum alios, Mathan Sacerdotis & Ma-  
riæ filia, & Elizabethæ, quæ Ioannem  
præcursores Domini procreauit, co-  
gnata fuit.


Domus paterna ex Galilæa & ciui-  
tate Nazareth; maternum autem ge-  
nus ex Bethleem erat.

Cent. 1, cap.  
20, Parentes porro, 20. annorum curri-  
culo in sterilitate decurso, ardentibus  
votis & precibus, (reclament licet cen-  
turiatores) 40. dierum adiuncto ieiu-  
nio, Deiparam, quam Domini seruitio  
iam Hierosolymis, voto nuncupato,  
mancipauerant, Angelo reuelante, nō  
tam bonorum, quam virtutum hære-  
dem læti felicesq; impetrarunt.

De quo ita scribit Damascenus lib.  
4. de fide Orthod. cap. 15. *Ioachim ve-  
nerandam & laude dignam Annam  
in Matrimonium ducit: sed quemad-  
modum vetus illa Anna 1. Reg. 1. ste-  
rili facta per votum & repromissio-  
nem*



nem genuit Samuelem; ita et hæc per preces et repromissionem, à Deo Deiparam impetrat, ut in hac quoque re nulli illustrium foeminarum inferior esset. Quocirca parit gratia (sic enim Annæ nomen interpretandum est,) Dominam; hoc enim nomen Mariæ significat; Nam reuera Domina facta est omnium creaturarum, quæ omnium conditoris facta est mater. His similia scribit D. Gregorius Nyssenus Homil. de natiuitate Christi, & alij Patres.



CAPVT. II.  
DE CONCEPTIONE  
D. Virginis.



V A E R I solet vtrum D. Virgo fuerit in peccato originali concepta; & licet id nonnulli affirmant, nos tamen, si non vt fidei dogma, certè vt magis piam & communi Ecclesiæ sensui consonam, plerisque denique Patribus ac ipsi rationi cõformem illam